

Verlag Bibliothek der Provinz

Fritz Lichtenauer
drawi drawi

lamentos, tiraden, dialoge, gedichte

herausgegeben von Richard Pils

ISBN 978-3-99028-541-1

© Verlag Bibliothek der Provinz

A-3970 WEITRA 02856/3794

www.bibliothekderprovinz.at

Coverabbildung von Fritz Lichtenauer



Fritz Lichtenauer

drawi drawi

lamentos, tiraden, dialoge, gedichte

inhalt

mog hoam

7

sakra, sakra

25

geh hob mi gean

45

da dings

67

d doana

93

epilog

IOI

hoam
gehma hoam
wonn gehma denn hoam?
hoam mogi
hoam

mog
nimma dobleim
mog nimma
mog hoam
hoam

wia long
miassma denn nu dobleim?
wia long denn no?
miassma no long dobleim?
wia long no?

mog nimma
mog hoam
hoam
mog nimma
dobleim

loss mi
loss mi geh
loss mi hoam
loss mi hoamgeh
loss mi iazd

mog nimma dobleim
mog hoam
hoam mogi
mog hoam
hoam

er (klopft an die haustüre):

is do wea?
is wea dahoam?
is do neamd?
is neamd dahoam?
is do wea?

sie (von innen):

wea is denn do?
wea is denn?
wea is denn do?
wea denn?
wea?

er:

i bis!
kennsd mi ned?
i bis do!
i!
kennsd mi leichd nimma?

sie:

a du bisdas!
du bisdas!
du!
na sowos?
du!

er:

jo, i bis!
i bis, du!
i!
moch scho af!
i bis!

sie (sperrt auf):

griaßdi!
häd di boid ned kennd!
ned kennd!
va wo kimmsd denn hea?
bisd scho long nimma dogwen!
scho long nimma!

er:

griaßdi a!
homa dengd, schau schnä vabei!
weili scho in da gegnd bi!
schau schnä zuwa!
schau, wias da gehd!

sie:

kimm eina!
gfreid mi, dassd vabeigschaud hosd!
sidz di nieda!
sidz di hea do!
eazäh ma wos!

großmutter zu ihrem enkel:

den

gonzn dog gehz

cool

und *urcool*

geil

und *megageil*

da großvodda drahad si im grob um

wonn a dös hörad

enkel zur großmutter:

dös wa owa

urcool

ma wa dös

geil

lamento eines häuslbauers

va da fria
bis af dnochd barabad

mid da
mischmaschin gmischd

mid da
scheidruah gfoahn

zemendsackln
gshlebd

kölla
beddaniad

eisn
bogn

ziagl
gshubfd

leiddung
gshdemd

maua
vabudzd

fliesn
glegd

midn
franknkredidd vaschbeguliad

aus
dea draum

barabad: schwer gearbeitet

lamento eines dichters

mei neia *computer*

unddaschreichd ma
olle meine gedichde rod

und frogd mi dauand
obi an briaif schreibm wü!

wia soisd denn do dichdn?

wetter-lamento

wonns hoafß is
jamman dleid

dass hoafß is

wonns koid is
dass koid is

wonns rengd
jammans dass rengd

und hoffn
dass boid wieda dsunn scheind

damids wieda
jamman kinnan dass hoafß is

Fritz Lichtenauer, geboren 1946 in Vichtenstein,
lebt in Linz. Seit 1968 literarische Veröffentlichungen.
Ausstellungen visueller Poesie und konstruktiver Kunst
im In- und Ausland.

Im Verlag *Bibliothek der Provinz* erschienen:

a longs und a broads

Dialektgedichte

Ali auf der Alm

Kinderbuch mit Angelika Kaufmann

Avantgarden z.B.

Katalogredaktion Martin Hochleitner,
Werke von Josef Bauer, Gerhard Knogler
und Fritz Lichtenauer

bleangazn – blingazn

Dialektgedichte

Einschicht. Aufgewachsen in

Texte Fritz Lichtenauer, *Fotos* Karl Schuber

Sebastian Bösendorfer

Kinderbuch mit Angelika Kaufmann

Textbilder, Zeichnungen, Fotografien

Katalog

Wenn ich nachts nicht schlafen kann,

fange ich zu reimen an

Gedichte

Verlag Bibliothek der Provinz

Literatur, Kunst und Musikalien